



# COUNCIL AAW

DISTRIBUTION GRATIS

VOL.X<sup>o</sup>X. April-May,2024  
Regd : NO 1012 N.E

OFFICIAL ORGAN

LAI AUTONOMOUS DISTRICT COUNCIL

## BOIPA CU KAN HUHPHENH NAAK A SI

### LADC DAY PUALIN, LADC THAWKTUTE'N, LAWNGTLAI KHAWPUI CHHUNG TIHFAI HNATLANG AN THAWK

\* LADC DAY PUALIN, LADC THAWKTUTE'N, LAWNGTLAI KHAWPUI CHHUNG TIHFAI HNATLANG AN THAWK

\*\* LADC OFFICE COMPLEX AH, LADC THAWKTUTE CHUAN, VOTERS DAY PUALIN THUTHAMNA HUN AN HMANG

\*\* LADC CARETAKER LAWNGTLAI BAWRSAP CHUAN, LADC SANITATION DEPARTMENT HMALAKNA A ENPUI.

\*\* PU K.LALRAMLIANA EXECUTIVE SECRETARY LADC PENSION TUR CHU, LADC OFFICER ASSOCIATION IN AN THLAH

\*\* REMINDER

\*\* NOTIFICATION

\*\* LADC OFFICE TIHFAI HNATLANG THAWH A NI.

Dt 29th April 2024 khan LADC hnuiaia thawktute chuan, LADC Day pualin, Lawngtlai khawpui chhung veng hrang hrang hmun pawimawhah insem darhin, faina hnatlang an thawk.

He faina hnatlang thawk tur hian zingdar ruk(6)ah Areopagy Lawngtlai Bazar-ah chhuakkhawmin, heta tang hian veng hrang hrangah Department hrang hrangte chanpual insem hnatlang hi thawh a ni.

He hnatlang thawh hi, Pu Cheemala Siva Gopal Reddy, LADC enkawl lailawktu (Caretaker) nimek Lawngtlai DC ni bawk chuan telpuiin, LADC kan nei thei hi thil lawmawm tak a ni a, Lairam mipui zawng zawngte LADC Day chibai ka buk vek che u a, LADC thawktu ten, vawiin a, kan District khawpui ber tihfai hnatlang kan thawk thei hi a lawmawm tak zet a ni, faina kawngah hma I sawn zel ang u, a ti.

He faina hnatlang hi, Pu L.Z.Tluanga, Joint Secretary (GAD) kaihraina hnuiaiah thawh a ni a, LADC hnuiaia thawktute thahnem takin faina hnatlang hi an thawk a ni.

LADC hi, kum 1972, Mizoram Union Territory-a hlankai a nih kum khan, Mizoram chhimlam, Pawi-Lakher Regional Council huam chungah Lai, Mara leh Chakma Automous District Council pathum a lo pianga, chumi ni, April 29 chu, LADC day atan hman thin alo nita a ni.



### Editorial Board

Editor

C. Lawmsangzuala  
I & PRO

Publisher

The Executive Secretary,  
Lai Autonomous District Council  
Lawngtlai.



*Editorial..*

Tunlai a LADC Office kalphung leh dinhmun chu a hrechiantute vek kan ni a, kan hun tawn mekah hian, ram leh hnam tana thawktute hian kan ram leh hnam a lo a zahawm zawk theih nan, engnge ka tih theih tih ngaihtuah chungin, kan hnathawh naah kan rinawm tih kan lantir nan, kan hnam Office lian ber hi, tun ai hian kan luahlum zawk tur a ni, tih rilru I pu theuh teh ang u.

Kan ram leh hnam Office lian bera thawk kan ni a, pawnlam atangin min rawn tih zahawm sak dawn lova, nang leh kei ngei hi, a mawhphurtu kan ni tih hi kan hriat thar leh atul tak zet a ni.

LADC Office hi, hmun hrang hrang atangin mipuiin min pankhawm thin a, hmun hla tak tak atanga lo kalte, buai tak chung a lo kalte anni thin a, churang chuan mipui tana thawk kan nih angin, an mamawh huna tanpui thei turin tan ila thar theuh ang u.

Tun hnaia thil hriat nuam leh lawmawm tak chu, faina leh thianghlimna kawngah hma kan sawn hle, a lawmawm tak zet a ni, kan Office mai ni lo, kan khawpui vawn thianghlimna kawngah hian hma i sawn zel ang u, fai hi a changkanga, thianghlimna hi hnam minti zahawmtu a ni bawk.

LADC OFFICE COMPLEX AH, LADC THAWKTUTE CHUAN, VOTERS DAY PUALIN THUTIAMNA HUN AN HMANG

Dt 9<sup>th</sup> April, 2024 khan, LADC Office a thawktu ten, LADC Office Complex ah, National Voters day hmangin thutiamna an neia, Election thuneitute hnen atanga an thuziak an dawn angin hetiang hian thuziak chhiar chhuah ani.

Keini, India khua leh tuite hian, Mipui thlan sawrkara rinna nghat tlat chungin,

Kan ram in mipui sawrkarna a lo kalpui thin leh Inthlanna zalen, thianghlim leh ralmuang a lo neih thin chhawm nung zel tur te, Inthlan apianga hlau lo leh Sakhuana, chi leh tawng avanga inthliarna leh thlemna dangte'n a thunun lohva

Vote thlak zel turin kan intiam e.

Kan hma, April ni 19, 2024-a Lok Sabha Inthlanpui lo awm turah pawh hian Dik leh thianghlim takin VOTE THLAK NGEI KAN TUM ANG.

He hun hi Pu LZ.Tluanga Joint Secretary (GAD) LADC chuan Kaihruaiin thawktute an kal tha hle a, zingkarah LADC Sanitation Dept-te chuan, Lawngtlai Bazar Site Office ah an hmanga, LADC Enkawl Sub-HQRS leh Division Office hrang hrangah pawh he hun hi hman a ni bawk

LADC CARETAKER LAWNGTLAI BAWRSAP CHUAN, LADC SANITATION DEPARTMENT HMALAKNA A ENPUI.

Dt 4<sup>th</sup> April, 2024 khan Pu Cheemala Siva Gopal Reddy, Caretaker, Lai Autonomous District Council leh Deputy Commissioner, Lawngtlai ni bawk chuan, Lawngtlai khawpui chung faina leh thianghlimna kawnga hmasawn dan tur leh LADC Sanitation Department hmalakna te, veng hrang hrangah kalin a hmunah an thlir ho.

LADC Caretaker chuan, Lawngtlai khawpui thianghlimna kawnga hmasawna leh in enkawlna felfai zawk neih a duhthu sawiin, ram mipuite hriselna leh thianghlimna kawngah hma kan sawn tul atih thu a sawi bawk a. Mipuite pawhin Sorkar hmalakna mawiwam a, kan Khawpui vawn thianghlimna kawngah kan tanho atul hle a, Dawr leh ei-leh-in zuartute pawhin, kan thil zawrhte uluk tak leh thianghlim taka kan enkawl tul a tih thu a sawi.

LADC Sanitation Department hmalakna chu tha viau mahse, tih hmasawn erawh a la tul atih thu sawiin, thil tul leh pawimawhte a enkawltu Department-te nen la sawiho a hmalak tha atih thu a sawi bawk.

LADC Caretaker hi, Pu HC. Vanlalruatpuia, Sanitation & Waste Management Officer, Pu C. Lawmsangzuala I&PRO, Pu Malsawmtluanga Hlawhchhing S.E. PWD, LADC te'n an tawiwam a ni.

**PU K.LALRAMLIANA EXECUTIVE SECRETARY LADC PENSION TUR CHU,  
LADC OFFICER ASSOCIATION IN AN THLAH**

Dt 27<sup>th</sup> March, 2024 khan Pu K.Lalramliana Executive Secretary LADC, Dt 3 1<sup>st</sup> March, 2024 a pention a chhuak tur chu, Lai Autonomous District Council Officers Association te chuan LADC Conference Hall-ah thlahna hun an hmang.

Pu K.Lalramliana Executive Secretary LADC chuan thusawiin, LADC ah hna chi hrang hrang lo thawk tawhin a thawhpuite hnenah lawmthu a sawia, thawhpui nuam tak tak inni vekin ka hria a, thawhpuite rilru tih nat palh erawh ka nei theia, khawngaih takin min theihngihl saka min ngaidam theuh turin ka ngen che u a ni, thawhhona tha tak nei zel turin duhsakna ka hlan bawk a che u, a ti.

He hun hi, Pu B.Lalhnuna President LADCOA chuan Kaihruaiin, Pu K.Lalthanzara Court President & Recorder chuan thlahna thuchah sawiin, mi rilru nem leh tha, thawhpui nuam tak a nih thu sawiin, a thawhpui ten kan ui hle a, a chanchin hi atha zawngin kan sawi fo dawn a ni, a ti bawk.

**REMINDER**

**LAI AUTONOMOUS DISTRICT COUNCIL  
LAND REVENUE & SETTLEMENT DEPARTMENT**

**No.R.11011/1/2024-LADC/REV**

**NOTIFICATION**

**The 26th Feb. 2024**

Land Revenue & Settlement Department chuan Lawngtlai khawpui chhung a inhmun lai tur leh insa tur te tan hriattirna a hnuai ami ang hian a tichhuak a, hei hi insa tur ten zawm ngei turin a hriattir a ni.

1. Inhmun lai turten inhmun an laih hma in LR&S Department-ah phalna an la hmasa ngei tur a ni

2. Insa turten ban an phun hma in LR&S Department-ah phalna an la hmasa ngei tur ani

He hriattirna zawmlo/tilui an awm a nih chuan The LADC (Land holding & Settlement) Rules, 2006 Rule-36 (a) leh (b) in a sawi ang leh Terms and Conditions Sl. No. 5 leh Sl. No 10 in a sawi angin an insak lai thiahtir leh Pass/LSC Cancel thleng a hrem theih an ni.

Sd/-

B.Lalhnuna

Senior Revenue & Settlement Officer

Lai Autonomous District Council

Lawngtlai

## NOTIFICATION



NO.F.11013/1/2020-LADC/GAD  
**LAI AUTONOMOUS DISTRICT COUNCIL**  
 GENERAL ADMINISTRATION AND CONTROL DEPARTMENT

Dated Lawngtlai the 8<sup>th</sup> February, 2024

### NOTIFICATION

In exercise of the power conferred by rule 2, read with rule 3 of the Lai Autonomous District Council Law Committee Rules, 2022, the Executive Committee of the Lai Autonomous District Council is pleased to constitute the Lai Autonomous District Council Law Committee with immediate effect as follows :

- |   |   |   |
|---|---|---|
| 1) <b>Chairman</b>  | - | Executive Member, i/c Law & Judicial Department |
| 2) <b>Vice Chairman</b>   | - | President & Recorder, LADC Court                |
| 3) <b>Secretary</b>   | - | Joint Secretary (GAD)                           |
| 4) <b>Asst. Secretary</b>   | - | Under Secretary (GAD)                           |
| 5) <b>Members :</b>   |   |   |
| i) Senior Judicial Officer, IDCC, LADC Lawngtlai                      |   |   |
| ii) Under Secretary (Finance) LADC                                    |   |   |
| ii) Legal Adviser cum Standing Counsel of LADC (Sitting at Lawngtlai) |   |   |

The powers and functions and other terms of the Committee shall be as prescribed under the appropriate provisions of the Lai Autonomous District Council Law Committee Rules, 2022.

**Sd/- K. Lalramliana**  
**Executive Secretary**  
**Lai Autonomous District Council**  
 Lawngtlai

### LADC OFFICE TIHFAL HATLANG THAWH A NI.

Dt 5<sup>th</sup> April 2024 khan, LADC thawktute chuan, LADC Office Complex leh Office LADC enkawl hmun hrang hrangte, tihfai hnatlang thawh a ni a, LADC hnuaia thawktute chuan hnatlang-in, Office leh avel tihfai a ni.

LADC Office Complex leh Office mai bakah, Sub- Hqrs. leh Division Office leh Lai House-te pawhin hnatlang hi an thawka, Officer leh Staff te'n thahnem ngai takin hnatlang hi an thawk a ni.

Hetianga a runpuia hnatlang thawh bakah hian, LADC Office-a thawktute hian faina hnatlang hi an lo thawk tawh thin bawka, faina lama hma kan lo sawn zel theih nan, GAD leh Sanitation Dept LADC chuan, Office dawrtute pawhin kan bawlhhlawh paih danah fimkhura, bawlhhlawh bawm an chhawpah paih thin turin LADC Office dawrtute an ngen bawk a ni.

**FAINA LEH THIANGHLIMNA KAWNGAH GAD LADC CHUAN KHAWNG TAKIN HMA A LA  
 ZEL DAWN A, DEPARTMENT TINTE TANLA THEUH TUR LEH FIMKHUR THEUH TURA  
 NGEN KAN NI.**